


地 340
39
部 = 21 ~ 21

廣
西
通
志
輯
覽



廣
輶
出
輶
輶

夔
夔
夔
夔
夔

夔
夔
夔
夔
夔

序

嘗攷粵西疆域之始上古遐荒莫得考已其見於經籍者南交紀於虞書北戶詳於爾雅在禹貢爲荊州之域在戰國爲楚越之交在秦時爲桂林郡厥後建置不一而載籍粲然可稽陳祭酒父子起蒼梧治春秋請立左氏學文章爛然風節清亮大江以南治經學者莫之或先粵西雖僻在嶺嶠而聲明文物早通於上國自唐以後述山川之勝者如昌黎謂湘南江山勝於驂鸞仙去柳州謂桂州多靈山發地峭豎林立四野范石湖謂山水之勝甲於天下是扶輿之所

廣西通志輯要

序

鍾毓靈奇之所鬱蟠神仙之所窟穴騷逸之所題詠又足雄峙於海內而非一山一水之稱名勝者所能及也顧其地號稱難治何歟蓋粵西控滇黔負湘楚蟠際嶺海襟腋交阡猺獞雜處崙嵒糾紛爲戍卒流人之所萃爲蠻煙瘴雨之所侵如馬新息之討徵側狄武襄之平儂氏韓襄毅之擒藤峽王文成之征八排田州岑猛衆至十萬合楚粵數省之師乃克底定雖磨崖勒石盛稱勳伐而獷悍之習兵革之災不稍衰息自漢宋迄有明其難治固若此矣洎我

聖清定鼎而後勝國餘燼負固自守

大兵屢進始能殲平吳耿逆命蹂躪南土傳將軍一呼響
應手除大難然終爲所害其後孔温僖捕柳州之獍
鄂文端征西隆之蠻雖際

國家全盛之時而平滇蜀定越南裹糧踰險師行絡繹其
間承平無事者僅百餘年而金田一役小醜跳梁蔓
延幾徧宇內稽

天討者十餘年流賊殄滅版宇奠安乃不數年而法越又
交鬪矣西南絕徼有事洋防至於今未得安枕焉其
邊關之阨塞士卒之征戍幾若無日而不籌維恐後
焉是豈他省所得同日而語哉其難治又何如也丁

廣西通志輯要

序

二

亥冬 秉成奉

命來撫是邦時當諒山告捷之後越界未定之際龍州通
商之始連年兵燹元氣未復繼以沈災十室九空豕
突鴟張間歲竊發糜餉百萬府庫告匱日惟兢兢焉
惴惴焉詢於僚案訪於父老謀所以安堵而教養之
不敢縱逸以廢事不敢酷陘以誤機不爲君子慙直
之所棄不爲宵小側媚之所愚稔年以來幸賴

朝廷威福歲時稔熟疆圉無事稍紓

聖天子南顧之憂然地瘠民貧當思所以撫綏士曠人稀
當思所以生聚稅繁釐重當思所以緩輕師勞餉絀

當思所以裁節又况邊陲之防戍詖邪之浸淫伏莽之蠕蠢日驚惕於心目之間而不容一息稍懈其難治亦未有如今日者也馬玉山方伯不瑤以蘇文庵學博宗經所纂廣西通志輯要請付梨棗見其綱舉目張條分縷晰悉本謝蘊山中丞之舊義取簡約亦稱善本惟思道咸以來羣盜如毛時事遷改而殉難諸君大節凜如日月均不可任其淪佚因囑羊敦叔太守復禮增補其闕並搜輯劉武慎公蘇虞階張月卿兩中丞所纂昭忠錄平桂紀畧等書排纂成帙附刊於後以備侘日文獻之徵俾續修志乘者得所攷

廣西通志輯要

序

三

訂亦以見枕戈嘗膽創鉅痛深不可無書以紀錄也

刻將竣

秉成奉

恩命

調皖行有日矣因將平日所欲言者著於簡端以諭來者亦欲使其知其難而圖其易也豈僅侈遊覽云爾哉是爲序時光緒十五年歲次己丑六月撫粵使者歸安沈秉成謹序

序

粵之有志自宋李上交撰廣西郡國圖志始粵之有通志則自明周孟中撰廣西通志始自是或修或輯代有傳人逮我

朝繼

起修通志者凡四家曰郝公浴李公紱金公鉉謝公啟昆郝李金志今皆不傳傳者謝志耳謝志斷制謹嚴今總制南皮張公會登之所著書日後有作者瞠乎莫及已顧卷帙繁重讀者苦難卒業不瑤奉

朝命

承宣是邦公餘輒往復披閱欲輯一簡明本以便參攷而卒卒未暇今年秋兒子吉樟郵寄鬱林蘇學博

廣西通志輯要

序

一

宗經通志輯要一書學博哲嗣器之農部與不瑤為同年友故出是書以公諸世是書為卷十有三為圖百三十有一為目十有五首分野次沿革次疆域山川城池次職官學校賦稅次宦蹟謫宦人物流寓勝蹟關隘祠廟而兵制水利藝文金石闕焉去取一本謝志而體例變之卷帙約之簡而能賅洵稱善本因呈之 中丞歸安沈公裁定而命賴孝廉鶴年林孝廉福徵增輯所闕四條散入編中付之剞劂不瑤惟省之有志所以信今而傳後也粵省自謝志修輯以來垂七八十年軍興以來又二三十年其間政治之

廢興郡邑之沿革風俗民情之同異與夫一方之治而亂亂而治武臣循吏魁人傑士義夫烈婦之後先相望莫不有關紀載以待來茲而金田一役至以跳梁小醜蔓延半天下勞師費餉上稽

天討者且十餘年則粵志之待修不綦重耶是書前後所輯雖於

國計民生諸大端未敢遽云美備然讀疆域一冊則思所以守禦讀城池一冊則思所以修鑿讀山川一冊則思所以滋培讀賦稅一冊則思所以開節讀學校兵制一冊則思所以修明而訓練讀宦蹟人物一冊則

廣西通志輯要

序

二

思所以樹立而振興此則

朝廷

軫念邊陲之至意而

不瑤

與

中丞之所厚望也豈

第資考證備游覽云爾哉刻既成爲記緣起如此後之讀是書者其亦毅然思所以維持是邦也夫

光緒十四年歲次戊子十一月安陽馬丕瑤謹序

敘

志乘之作與史籍相爲表裏粵西僻處嶺外古稱荒服自漢魏以來地志圖經罕有傳播其成書之見於今者若唐莫休符之桂林風土記段公路之北戶錄宋范成大之桂海虞衡志明魏濬之嶠南瑣記張鳳鳴之桂故桂勝皆敘述典雅可稽掌故顧其間郡縣沿革歷代隨時增損至我

朝而羈縻之地盡入版圖與前代之半隸蠻獠者形勢迥異恭讀

欽定

四庫提要謂不可執舊文以談新制然則志書之輯

廣西通志輯要

敘

豈易言哉雍正十一年金大中丞奉

詔編輯

廣西通志凡一百二十八卷迨嘉慶六年謝大中

丞重加修纂增爲二百八十卷蒐羅浩博體例精詳而鬱林蘇文庵學博以其卷帙繁重又取原書約爲十三卷名曰廣西通志輯要可謂簡而能賅者也顧其書成於道光末年迄今四十餘年尙未付梓同治年間劉武慎公及張月卿蘇虞階兩中丞先後撫粵以地方寇亂軍務迭興不可無所記載復輯有昭忠錄平桂紀畧股匪總錄堂匪總錄四書草創未就亦未刊行今馬玉山中丞以廣西通志輯要一書便

於尋覽宜付剞劂昭忠錄等書足資考訂並宜附刊
商於 沈仲復中丞亦謂此書皆不可廢遂籌款開
雕而屬羊敦叔太守經理其事敦叔復於教職佐雜
中擇其明通有學者邀集數人取其書再加釐定敦
叔日與討論應增輯者增之應改正者改之原書並
無凡例敦叔復爲增纂閱數月而工告竣焉粵西自
咸豐初元洪逆倡亂始於桂平之金田村從間道走
永安逼省城困全州蔓延十五省蹂躪幾遍天下自
是粵境之內羣盜蠡起郡邑淪陷不可勝計城市蕭
索巷里羶腥狐兔縱橫盪心駭目同治初元各省兵

事漸戢而粵境亦漸以戡定讀昭忠平桂等書可以
知禍亂之起滅兵事之利鈍政治風化之得失凡有
地方之責者所貴安不忘危治不忘亂引前車以爲
鑒汲汲然思所以培養元氣而又惕然於禁暴除奸
之不容緩也豈僅備修史修志之採擇云爾哉蘇廣
文之書輯於前數十年昭忠錄等書亦作於前二十
年今一旦編刻蕪事裒然成帙又廣西道里表紀地
域之遠近可資吏牘之用原板久佚今並附刊於後
此亦可見事無難易有志竟成也余因不揣固陋序
其梗概如此光緒十五年歲在己丑仲秋之月廣西

布政使江都張聯桂謹序

廣西通志輯要

敘

三

敘

光緒庚辰之歲煥奉

簡命出守桂林迄今十年於茲矣嘗日檢通志一書竊歎謝蘊山中丞編輯後近賢如鄭小谷王定甫諸先生足任此事者頗多乃均未起而續之惟聞鬱林蘇文庵學博著有輯要一書亦未得見有見者告煥曰其條目一十有五凡以括二百八十卷之大旨亦可謂簡而明矣獨是著書之體於減者而增之也難於增者而減之也尤難所貴乎任纂修之責減其百不見爲少增其一已見爲多於無妨減者而減之不有減

廣西通志輯要

敘

何有增也於必當增者而增之不有增何有減也特猶是增減或有貴存其重大者或有貴彙其典雅者或有貴補其遺漏者或有貴正其變遷者蓋蘊山中丞之通志則提綱挈領一志乘之功臣也今歸安沈仲復中丞安陽馬玉山中丞囑敦叔大守增輯是書稽古居今兼綜博約則又謝蘇兩先生之功臣也本一貫之旨傳道合緣於分也本一貫之義著書異歸於同也况通志成於嘉慶六年距今已八十餘年輯要成於道光二十五年距今亦四十餘年念此通志一書既無望續修輯要一書又莫望刊刻而卒慰我

望者則中丞諸公之力也况非發凡起例無以統而
賅無以化而裁使前無所待於後後無所承於前其
何以辨訛正謬也然則敦叔之功亦大哉又道咸以
來兵燹四起始於金田終於諒山上下數十年間凡
官軍士民殉難者舊有昭忠錄可以稽考茲復搜羅
之增補之以次其末此正修輯志乘者所必需也且
賢如敦叔知其必不徒以著作擅而以才識學之長
充清慎勤之畧循吏通儒豈有二道於是益歎中丞
諸公之能知人也歲在光緒己丑仲秋月山陽秦煥
謹序

原序

蓋夫天之氣不運則星日無光雷雨不作地之氣不運則江河枯涸草木無萌人之氣不運則手足不仁疾癘交作語云流水不腐戶樞不蠹蓋惟勤動者有以運之耳宗經秉鐸樂川七年於茲矣德薄才劣學殖荒落既不能如胡安定蘇湖之教授矜式乎是邦又不能如曹月川霍山之德化振興乎文教徒糜五斗揣分滋慙惟不敢飽食終日自耽怠荒鄙性樸陋不能琴棋不好花石又不敢屢至有司之衙致蹈咎戾每朝夕編摩以書爲樂欲從事於經籍而心所欲

廣西通志輯要

原序

一

言者前賢皆已言之欲肆力於詩古文詞而韓柳歐蘇李杜劉白莫可追蹤嘗與僚友尙論古今曠覽宇宙思吾粵之山川名勝宦蹟人物雖僻在偏徼而嶺嶠靈奇之所鍾疆域縈紆之所控仙靈杳冥之所棲賢士游覽之所至實足甲於海內因欲詳述焉以開拓千古之心胸而省志浩繁難於披覽惟約爲數卷則攜帶方便稽考不煩未嘗非好古者所共許焉因取謝蘊山中丞所修之志變其體裁析其條目合者分之分者合之繁者節之誤者訂之其見聞所及而可以勸勉後人者稍增補之本志僅有府圖仍依金

志而分圖之門類雖未全備而書名輯要等於私史
無關記載非敢妄亂前人之例亦聊守一家之言自
甲辰季春迄乙巳季夏成書十有三卷計字四十餘
萬周歲之間數千里之奇山秀水千餘年之名宦鄉
賢悉經筆錄自謂閒官之所勤勉者既無案牘之勞
形又鮮艱虞之紛擾庶幾精神之不誤用焉爾
道光二十五年歲次乙巳季夏鬱林蘇宗經文庵撰

總目

廣西通志輯要十六卷

廣西昭忠錄八卷

平桂紀畧四卷

股匪總錄三卷

堂匪總錄十二卷

廣西道里表一卷

廣西通志輯要

總目

修輯廣西通志輯要銜名

總裁

兵部侍郎兼都察院右副都御史廣西巡撫提督軍務兼理糧餉沈秉成
頭品頂戴兵部侍郎兼都察院右副都御史廣西巡撫提督軍務兼理糧餉高崇基
兵部侍郎兼都察院右副都御史廣西巡撫提督軍務兼理糧餉馬丕瑤
督修

二品頂戴廣西布政使司布政使張聯桂
二品銜廣西按察使司按察使秦煥
護理桂平梧鹽法道桂林府知府趙時熙
原輯

廣西通志輯要

卷首

銜名

一

藍翎五品銜國子監監丞梧州府教授蘇宗經
增輯

善後局提調署理鎮安府知府羊復禮
分輯兼校對

鬱州學正林福徵

興安縣教諭賴鶴年

咨補思恩府司獄王惠琛

咨補馬平縣三都巡檢李翊煦

繪圖

候補府經厯熊軾

編次兼收掌

鹽

大

使

銜

貢

生羊汝伊

文

童朱維光

膽寫兼督刊

文

童劉志仁

文

童李植庭

廣西通志輯要

卷首

銜名

二

桂林唐九如堂刊印

廣西通志輯要凡例

一謝蘊山中丞

啟昆

纂廣西通志二百八十卷極

爲浩博斷於嘉慶辛酉迄今八十餘年未經編

輯鬱林蘇文庵學博

宗經

苦其卷帙浩繁難於

披覽因輯廣西通志輯要一書爲卷十有三悉

踵通志原文惟將分野沿革疆域山川城池職

官學校賦稅宦蹟謫宦人物流寓勝蹟關隘祠

廟十有五目編入各郡縣內變其體裁析其條

目稍加增訂悉從簡要意在於稽考不煩爾

一謝志有水利兵制藝文金石各目是書悉爲刪

廣西通志輯要

卷首凡例

一

減惟水利有關

國計民生兵制有係安良戢暴藝文金石亦前人信

今傳後之作未可闕漏茲酌舊准新增輯水利

兵制金石附載各郡縣內至藝文則仍謝志之

舊分經史子集傳記事記地記雜記志乘奏疏

詩文都爲一帙附列省總之後

一原書爲目十有五首分野次沿革疆域山川城

池職官學校賦稅宦蹟謫宦人物流寓勝蹟關

隘祠廟今於省總增藝文於謫宦之次於各郡

縣增水利於山川之次增兵制於學校之次增

金石於勝蹟之次爲目共十有九雖諸從簡畧亦鮮有漏遺

一是書成於道光乙巳迄今四十餘年中間時事變遷郡縣變制沿革疆域學校賦稅各經政不無因革損益茲就其檔卷可查者分門彙添於各條之下均以增輯二字別之以便緝閱

一是書悉仍原志未嘗有所增續今增輯各條如提督移駐龍州太平府改隸太歸道鬱林州改隸左江道百色理苗同知改爲直隸廳歸順州升爲直隸州又如柳州添設柳慶鎮總兵龍州

通志輯要

卷首

凡例

二

添設太歸道及改置恩隆鎮邊各縣均繫案語以備徵攷其書法則百色直隸廳附於思恩府之末歸順直隸州附於鎮安府之末均未另分卷帙悉存原書之舊不敢爲蹄筌之棄以備參稽而存故實

一宦蹟人物兩門堪紀載者正復不少第年代屢易山川縣隔搜緝綦難寫付梨棗爲時甚促未暇採訪僅於道咸間舉其功績卓著德言並茂者採摭遺事畧爲補入第求其事而傳聞異辭考諸書而十纔二三實屬挂漏未備有待續補

閱者諒之

一謝志僅續各府圖列於疆域志廣西全省地輿圖說道里頗極詳明然卷帙又甚繁冗蘇學博續圖百三十有一詳畧不同今續圖一百三十有二凡府縣土州土司均各續一圖載明八至並山川道里衙署亦列入圖內以便觀覽

一原書爲卷十有三今重加釐正分省總爲二卷分桂林柳州慶遠思恩泗城平樂梧州潯州南寧太平鎮安鬱林十二府州爲十三卷各圖列於各府州之首合凡例目錄爲一卷共十有六

廣西通志輯要

卷首 凡例

三

卷其原輯粵事一卷體例有類雜志與志乘無關有待續刊

一自道咸以後流賊紛起

國家中興以來丕張撻伐殄滅殆盡而金田一役爲

肇禍之始諒山屢捷爲平寇之終一若流賊之

起滅與粵西相終始昔劉武慎公

長作

蘇虞階

中丞

鳳文

張月卿中丞

凱嵩

緝有昭忠錄平桂

紀畧股匪總錄堂匪總錄等書凡羣盜之蔓延軍師之戡定官紳之殉節靡不筆之於書雖闕蝕過半而斷簡殘篇有資考訂今特增纂成編

附刊是書之後以備續修者之採擇其凡例見於昭忠錄者茲不多贅

一郡縣各名凡遇

廟諱及

御名均恭缺末筆並加口以昭敬謹不復改易他字以滋混淆

一是書兵制爲林午峯廣文福徵所輯水利藝文

金石爲賴耘芝廣文鶴年所輯皆仍謝志之舊

而刪核之其稽核檔案加繫案語增輯宦蹟人物各門及增纂昭忠錄七八等卷皆出自王蒔

廣西通志輯要

卷首凡例

四

珊參軍惠琛之手其續畫各圖皆熊次瞻二尹

軾任之其校訂則李小軒二尹翊煦與諸子之

力不敢襲前人之美亦不敢沒諸君之勞用特附著於篇以垂諸後

一定畫界址有係華夷之分設立海關實爲商務之始且電綫之設遍樹通省西南達乎滇黔東北通於閩廣僻在嶺嶠有事洋防西徼一隅籌維恐後均有關於經政之大者現因開辦伊始未及搜羅當待來者

一職官選舉封建各表土司列女仙釋諸蠻等傳

祿餉鹽法積貯馬政郵政各目謝志詳舉其事
今是書概不登錄非敢闕焉不詳實仍原輯之
舊閱者鑒之

一自軍興以來裁減綠營兵額改設防勇自賽節
相招募徵調而後繼以湘軍楚軍聚散靡定制
度攸殊稽核非易現如邊關防勇二十營內地
防勇十九營水師五營布列於險隘通衢歲糜
朝廷餉帑百萬事關經政茲亦未及採輯有待續補
一是書原稿並無凡例今釋其原委辨其體裁爲
之發凡起例臚舉故實俾讀是書者知所統宗
亦以見作者之苦心非敢揆張其詞以飾觀聽
一是書原抄本頗多訛錯雖迭經校勘重加釐正
而亥豕魯魚在所不免尙望閱者有以訂之

廣西通志輯要目錄

卷一

省總 總圖 分野 沿革 疆域 文職官
武職官 田賦 學校 官蹟 謫官

卷二

省總 藝文

卷三

桂林府 圖 臨桂縣 興安縣 靈川縣

卷四

桂林府 陽朔縣 永寧州 永福縣 義寧縣
全州 灌陽縣

卷五

廣西通志輯要 卷首 目錄

柳州府 圖 馬平縣 雒容縣 羅城縣 柳
縣 懷遠縣 融縣 象州 來賓

卷六

慶遠府 圖 宜山縣 天河縣 河池州 思
州 忻城縣 東蘭州 那地州 南丹州
永順正長官司 東蘭州同 永定長官
司 永順副長官司

卷七

思恩府 圖 武緣縣 賓州 遷江縣 上林
判 白山土司 興隆土司 定羅土司
舊城土司 下旺土司 那馬土司 都陽
土司 古零土司 安定土司

增 百色直隸廳 圖 恩隆縣 恩陽州判
上林土縣 下旺土司

卷八

泗城府

圖

凌雲縣

西隆州

西林縣

卷九

平樂府

圖

荔浦縣

恭城縣

富川縣

昭平縣

賀州

卷十

梧州府

圖

蒼梧縣

藤縣

容縣

岑溪縣

卷十一

潯州府

圖

桂平縣

平南縣

貴縣

武宣

卷十二

廣西通志

卷首

目錄

二

南寧府

圖

宣化縣

新寧州

隆安縣

歸德土州

果化土州

土忠州

遷隆崗

卷十三

太平府

圖

崇善縣

左州

養利州

永康

平土州

安平土州

萬承土州

龍州廳

茗盈土州

結安土州

鎮遠土州

都結土州

下石西土州

思陵

上下東土州

憑祥土州

羅白土縣

羅

卷十四

鎮安府

圖

天保縣

奉議州

歸順州

小

映土州

下雷土州

都康土州

增 歸順直隸州 圖 鎮邊縣
下雷土州

卷十五

鬱林直隸州 圖 博白縣 北流縣 陸川縣
興業縣

廣西通志輯要

卷首

目錄

廣西省諸江圖

湖南零陵縣界 湘江源出興安海陽山至分水塘北流由陡

廣東封川縣界

通省一



湖南零陵縣界

湘江源出興安海陽山至分水塘北流由陡

陵縣界 河海陽堤經全州出楚

湘江源出興安海陽山至分水塘

塘南流由東陡經靈川桂林

平樂梧州入海

龍江源於交趾由上下凍土司至下龍

土司出江口合明江出太平府至合江鎮

合祥河水經南寧潯梧入海

紅水江自雲南陸涼州來入西隆州經泗城府那地東蘭都陽安定

忻城遷江至來賓都泥江合柳江歷武宣潯梧入海

詳柳江有雲南去富州入州經奉議士林果化隆安

至合江鎮與龍江合

交趾水發源於安南十萬山由遷隆思

明孟明與龍江合

融江源出清

水江經貴州

黎平府下懷

遠融縣至柳

城合龍江入柳

州象州武宣

潯梧入海

龍江源出貴州

都勻府自獨山

州流入慶遠府

至柳城合融縣江

入柳州象州武宣

潯梧入海

紅水江自雲南陸涼州來入西隆州經泗城府那地東蘭都陽安定
忻城遷江至來賓都泥江合柳江歷武宣潯梧入海
詳柳江有雲南去富州入州經奉議士林果化隆安
至合江鎮與龍江合
交趾水發源於安南十萬山由遷隆思
明孟明與龍江合

融江源出清
水江經貴州
黎平府下懷
遠融縣至柳
城合龍江入柳
州象州武宣
潯梧入海


龍江源出貴州
都勻府自獨山
州流入慶遠府
至柳城合融縣江
入柳州象州武宣
潯梧入海

廣西省全圖

原註此圖依金匱錢俊選輿圖增輯稍有添減



省城圖



劉猛將軍廟
光農壇

縣國半
西元年

光緒
二十
年